

da rode mohn

da rode mohn wiad nimma bliahn
wann mia uns nimma seng
an summa so wia domois
wiad s woi nimma gem

direkt aus ana aundan zeit
wo dir mei herz so kostboa woa
ois wia da easchte schnee

da rode mohn wiad nimma bliahn
wann mia uns nimma seng
nur lauter griane stengln
wean iwas föd maschiern

wean nockad eanan klaanen kopf
in richtung himmü drahn
wean joah fia joah aufs neiche frong
wia s klungen hom, de bliah
wia s grochn hot, de luft
wia s a se augschbiat hot, des rot

und nur an rodn windhauch
waht s ob und zu daher
aus ana aundan zeit
de kennt scho kana mehr